

Nazboh:

“Ciet Diuqgung” Hozdung Ndeiyawj Raixcaix

那坡：“跳弓节”活动精彩纷呈

5 nyied 1 hauh (liggaeuq 4 nyied cosam), dwg ngoenzciet “ciet diuqgung” beixnuengx Yizcuz Mbanjcejsiengz Nazboh Yen. Ngoenzde, dangdieg ginzcong caeuq gyoengq beixnuengx Yizcuz daenj buhmoq vaqmoq, daeuj daengz Mbanjcejsiengz, humx cazgo’ ndoekgim, roq gyong, boq venz, ciengq go diuq foux hoh ngoenzciet, maqmuengh ndaw bi rumz swnh fwn cuk ,gohaeux fungsou.

Gij laizlig “ciet diuqgung” miz gojgaeq yienghneix. Ciuhgonq, miz baez ndeu, hakbing Yizcuz caeuq vunzdig hoenxcienq, deng vunzdig dwkbaih, geij boux hakbing Yizcuz lix haenx ndoj haeuj ndaw ndoeng go’ ndoekgim, go’ ndoek nanwt deihdin, dangj naq vunzdig nyingz daeuj haenx. Doeklaeng, hakbing Yizcuz youq ndaw ndoeng gwn rangz dangq haeux, aeu go’ ndoek guh naq, dwkhoenx vunzdig, dwk baih vunzdig, gyaep deuz vunzdig. Yizcuz beixnuengx nyinhnaeuz, dwg go-ndoekgim gouqmingh hakbing Yizcuz, go-ndoekgim dwg bouxsaenz baujhoh Yizcuz. Yienghneix, Yizcuz beixnuengx moix bi 4 nyied cosam, cungj aeu roq gyong boq venz, caeq byozgo’ ndoekgim, niemhgeix cojcoeng neix.

(Fuz Mijdez)



▲ Gyoengqvunz diuqfoux geiqniemh cojcoeng.



▲ Gaq faexsaux dangq nangxraez, aeu daeuj geiqniemh cojcoeng.

◀ Gyoengqvunz fwngz gaem faexsaux fagcuiz, heux go-ndoekgim diuq foux.

Liujcwngz: Guhhong Dajcaux Saedcej Ndei 柳城：劳动创造美好生活



▲ Hensouj saedcej ndei.

Ngoenz ciet guhhong “hajit”, youq Liujcwngz Yen, gyoengq gunghyinz youq ndaw gunghcangj nyaengq guhhong, gyoengq nungzminz youq ndaw reihnaz nyaengq ganq doenghgo, boux gunghyinz baetgaiq nyaengq baet gai. Gij ngauez gyoengqde ceiq gyaundeiz, ceiq raeujrub, dwg gij ngauez gyoengqde dajcang le Liujcwngz Yen gyaundeiz raixcaix. Dwg gyoengqboux gaenx guhhong haenx, doidoengh daengx yienh ginghei fazcanj. (Vuz Caili)



▲ Cuengqmbin maqmuengh baenzfouq.

Yizcouh: Banh Hoihfwen Hengzguh Caeuq Ungganq Seveicujyi Haedsim Gyacizgvanh 宜州：举办践行和培育社会主义核心价值观山歌会

Mboengqgonq, Yizcouh Si youq Siengzbei Yangh Gujlungz Cunh、Liuz Sanhcej Yangh Siujlungz Cunh gawjbanh “Hawfwen Liuz Sanhcej” hoihfwen hozdung, hoihfwen neiyungz cujyau dwg hengzguh caeuq ungganq seveicujyi haedsim gyacizgvanh. Youq gwnz hoihfwen, gyoengqvunz angq dwk eu fwen haenh cwngeuz ndei dangj, haenh saedcej ndei ngoenzneix.

(Linz Ciuhniz)



Gaisihgaih Yangzsoz Bouxhek Guekrog Lai 阳朔西街老外多



Bineix gyaizeiz “hajit”, Yangzsoz Yen gak giz gingjdenj, gingjih vunz lai vunz daih. Ndawde, Yangzsoz Cin Gaisihgaih ceiq nauhyied, bouxhek guekrog beij bi gonq demlai gig mingzyienj. Gaengawq gyoep-suenq, 5 nyied 1 hauh ngoenzde, daengx yienh gungh ciepdaih bouxyouz 5.8 fanh vunzbaez, caeuq bi’ gvaq doengzgeiz dox-beij demlai 5% , lijyouz saeh-nieb hoenghwdhwd.

(Ho Cinminj)